

四庫全書

子部

欽定四庫全書

子部

外臺秘要方卷三十七

詳校官太醫院八品吏目<sub>臣</sub>黃發

編修<sub>臣</sub>倉聖脈覆勘

總校官進士<sub>臣</sub>繆琪

校對官庶吉士<sub>臣</sub>吳裕德

謄錄監生<sub>臣</sub>湯師錫

欽定四庫全書

外臺秘要方卷三十七

唐 王燾 撰

乳石論序

按古先服餌賢明繼踵合和調鍊道術存焉詳其羽化  
太清則素憑仙骨若以年留壽域必資靈助此蓋金丹  
乳石之用豈流俗淺近而能知所患其年代浸深訣錄  
微密世有傳習罕能詳止更加服石之士精麤不同雖

志貪補養而法未精妙遂使言多鄙褻義益繁蕪每加披覽實長疑惑既子弟不得親授亦家童莫能曉了存諸左右殆謂闕如余宿上谷神栖心勿藥歲月云久經書粗通知文字之一失乃性命之深誤是以會集今古考量論訣取斷名醫都凡纂要建題篇目并五藏合氣經絡受病八風所中形候論訣兼諸家會同將息妙術及乳石丹與雜石壓理之法錄定倫次即以時代為先後今刪畧舊論纂集新要分成上下二卷可謂價重千

金比肩萬古垂之於後學豁若冰消者乎

薛侍郎服乳石體性論一首

中書侍郎薛曜論曰夫金石之性堅剛而急烈又性清  
淨而惡滓穢凡服乳石訖即須以意消息尋檢舊法不  
可無備忌也但人性或冷或熱或寬或急皆須量性將  
衛不可輕有犯觸凡乳石一服之後常在腸胃若人氣  
力衰石氣強即發動若人氣力盛石氣安即強健謹按  
古法皆令五十以上始服乳石殊謂不然今驗所見年

少服者得力速兼無病患何以言者年少筋力滿盛飲食飽飲彌益精明壯健終無發理年歲遲暮氣候衰竭食飲失宜此石氣勝人無不發動歷觀得失莫過於此夫人年少縱不喫飲食血氣自強年老力微縱肉精細猶不可健以此言之足明古法疎矣凡人身血脈經行不絕如血脈微有滯處便於其處發瘡或發熱神氣昏悶必欲防之每朝及暮溫一兩盞清酒或可以生薑刮碎和少菜羹飲之令遍體熱薰薰又作熱羹粥飲之使

腸胃通利即石氣流行其初服石一二百日尤宜作此  
將息是古法服石不取夏月只取冬月所以然者石有  
發動與服時皆背此又殊乖通論今驗服石飲食失時  
勞役過度立即發動豈待背時今立見將衛得宜並不  
發動復見名醫平章服石之人常作熱將息儻發調適  
乃易耳脫若石氣發動暫須宣洩服少冷藥使得轉瀉  
若得通暢熱氣併除若常作冷將息脫若石氣發動用  
冷藥無由得轉此一曲之說今古存之但欲廣聞見爾

其將息皆須自量本性冷熱為候務取安穩不可拘執  
古論捨已從人庶通幽君子以此為意也按本草石鍾  
乳味甘溫無毒主欬逆上氣明目益精安五藏通百節  
利九竅下乳汁益氣補虛損療腳弱疼冷下焦傷竭強  
陰久服延年益壽好顏色不老令人有子不鍊食之令  
人淋一名公乳一名蘆石一名夏石生少室山谷及太  
山採無時蛇牀子為之使惡牡丹玄石牡蒙畏紫石蓂  
草少室猶連蒿山也今第一出始興而江陵及東境名



山石洞亦皆有之唯通中輕薄如鷲翎管碎之如爪甲  
中無鴈齒光明者為善長挺乃有一二尺者黃色以苦  
酒洗刷則白仙經用之少俗法所重亦甚貴之謹按鍾  
乳第一始興其次廣連澧朗柳等州者雖厚而光潤可  
愛餌之並佳今硤州清溪房州三澗出者惡本草作亞於始  
興自餘非其土地不可輕服多發淋渴只可搗篩白鍊  
畏之合諸草藥酒浸服之耳陶云鍾乳一二尺者謬說  
也

李補闕研鍊鍾乳法一首

研鍊鍾乳法

取韶州鍾乳無問厚薄但令顏色明淨光澤者即  
堪入鍊唯黃赤兩色不任用欲鍊亦不限多少置  
鍾乳於金銀器中即以大鐺中著水沈金銀器於  
鐺中用火煎之常令如魚眼沸水減即添若薄乳  
三日三夜即得若麤肥厚管者即七日七夜候  
乳色變黃白即熟如疑生更煎滿十日最佳煮訖

出金銀碗其鐺內煮乳黃濁水弃之勿令人服服  
必損人咽喉傷人肝肺令人頭痛兼復下利不止  
其有犯者食猪肉即愈弃此黃水訖更著清水準  
前更煮經半日許即出之其水色清不變即止乳  
無毒矣即於斃盆鉢中用玉鎚著水研之其鉢及  
鎚須夾白練袋籠口稍長作之使鎚得轉兼通上  
下每日著水攪令調勻勿使著鎚鉢即封繫練袋  
自作字記勿使人開一即免纖塵入中二免研人

竊喫研覺乾澀即是水盡即便添水常令如稀泔  
狀乳細者皆浮在上麤者沈在下復繞鉗鉢四邊  
研之不及者即麤細不勻為此每日須一開或二  
開攪刮令勻勿使著鉗即得勻熟免有麤細研至  
四五日狀若乳汁研揩視之狀如書中白魚膩即  
成自然光白便以水洗之不隨水落者即熟若得  
水而落者即未成更須研之以不落為限熟訖澄  
取暴乾任將和藥及和酒空腹服佳

千金翼同

曹公草鍾乳丸法二首

主五勞七傷肺損氣急療丈夫衰老陽氣絕手足冷心中少氣髓虛腰疼脚痺體煩口乾不能食服之安五藏補腸胃能息萬病下氣消食長肌和中方

唐尚書用之

鍾乳

二兩別研十日

吳茱萸

二分

石斛

菟絲子

各一兩酒浸別擣

右四味擣篩蜜丸如梧子空腹服七九日再服訖行數百步溫酒三合飲之復行二三百步口胃內熱熱如定即食乾飯豆醬過一日食如常須暖將息不用

聞見屍穢等氣亦不用食麝臭陳惡食初服七日內  
勿為事過七日後任性然亦不宜傷多服過半劑覺  
有效即相續服三劑終身更無所患欲多陽事者加  
雄蛾三十枚若失精加菰蓉花三兩佳

千金翼同

又鍾乳丸法

成鍊鍾乳

二十分

石斛

蛇牀子

各五分

人參

桂心

各四分

乾薑

三分

椒

三分汗去目并合口者

右七味搗四十八分計一十二兩以鍊白蜜和之搗

三千杵藥成丸如梧子空腹溫無灰清酒下二十五  
九日再服如性飲宜加飲少許仍行三數百步即乳  
氣溜下任食若能節量甚佳古法云令食乾飯得九  
力速如覺熱衝上進一兩口飯行步消息良久任食  
若能節食甚佳古法云令食乾飯豆醬不得過多不  
可依古法終是節食忌行陽事最要能依此法將慎  
補益之功不可具述終妙也

崔尚書乳煎鍾乳餌法二首

療風虛勞損腰腳弱補益充悅強氣力法

鍾乳三兩研如麴以夾綿練袋盛稍寬容急繫頭  
內牛乳一大升中煎之三分減一分即好去袋空  
飲乳汁不能頓服為再服亦得若再服即待晚間  
食消時服之如能頓服即平朝盡服之不吐不利  
若稍虛冷人即微下少瀉利亦無所苦明朝又以  
一大升牛乳準前煎之依法服餌其鍊袋每煎訖  
即以少許冷水濯不然氣不通洩如此三十度以



上四十度以下即力盡其袋中滓和麵飼母鷄取其生子食亦好不然用浸藥酒亦得若有欲服白石英並依此法若患冷人即用酒煎患熱人即用水煎若用水及酒例須減半乃好若用牛乳三分減一分補益虛損無以加之永不發動

千金翼同忌在別卷

中

### 服乳粉法

乳小秤一兩分為兩服朝服夜盡無問多少一準

此法一兩為度凡服乳皆須溫清酒服之常令酒  
氣不絕為佳不得使醉吐唯須少食日食一升許  
飯得滿三日不出即乳不隨食下化為度三日外  
任意作美食將息其乳多少任人貧富服之師云  
服一斤百病自除二斤流及三世三斤臨死之時  
顏色不變在土下滿五百年後乃成強壯人  
通按  
三日  
不出謂三日不大便  
使乳氣不下泄也

雜餌鍾乳丸散補益法二首

千金鍊鍾乳散療虛羸不足六十以上人瘦弱不能食  
息百病法能多得常服益佳

鍾乳一斤取白淨光明色好者即任用之非此者  
不堪用一味先泥一鐵鐺受四五斗者為竈貯水  
令滿去口二寸內乳著金銀甕器中任有者用之  
使得沈之於鐺中令水沒器留一寸餘即得常令  
如此勿使出水也微火煮之日夜不絕水欲竭即  
添成煖水每日一周時輒易水洗鐺并淘乳七日

七夜出之淨淘訖內甕鉢中玉鉗縛格著水研之  
一日一夜多著水攪令大濁瀉取別澄為粉其乳  
麤者自然沈底可研之凡三日三夜皆細逐水作  
粉畢澄取暴乾更於銀鉢中研之一日候入水洗  
不落為佳可分秤入散藥服之取鍊成乳粉三兩  
上人參 上石斛 乾薑 各三分  
右三味搗篩與乳令相得均分作九貼早朝空腹溫  
酒服一貼昏黃後服一貼三日內準此服之三日後

還須準舊服如前盡此一斤乳訖其氣力當自知耳

不能具述也

新撰英  
乳論同

延年秘錄鍾乳散主補虛勞益氣力消食法

防風

人參

各一分

鍾乳

二分  
研

細辛

半分

桂心

二銖

乾薑

一銖

右六味為散分作三貼每晨溫酒服一貼食時服一貼食時進不用過飽亦不得過饑常令飲酒使體中薰薰有酒氣若熱煩以冷水洗手面不用熟食亦不

得冷

忌法  
如常

雜餌鍾乳酒法二首

纂靈記鍾乳酒主風虛氣上安五藏通百節利九竅益  
精明目補下焦傷竭脚弱疼久服延年益壽肥健好顏  
色不老法

鍾乳三兩細研兩重綿練袋盛內六升清酒中用  
白甕器盛密封安湯中煎令三分可減二分即出  
湯還添酒滿元數封頭七日取飲一服三合

忌如  
藥法

又和酒服餌鍾乳法

成鍊鍾乳三兩以無灰新熟清酒一斗於不津器  
中相和密封閉冬七日夏二日空腹溫服三合日  
再服漸加以知為度十五日令盡亦有用此三兩

和酒服三日令盡

並令節食忌陽事雜  
慎如藥法千金翼同

東陵處士鍊乳九餌并補乳法二首

鍾乳無問州土但白薄光潤者即堪以疎布袋盛懸於  
釜中勿令著底炭火煮之日三度易水出釜水淨洗訖

內釜中發火如前候水色不變為度將乳袋出於新汲  
清水中洗去乳袋上浮沫更以牛乳五升緩火煮之一  
日欲服乳先飲此牛乳任和酒飲之其袋中乳傾出於  
盤中以水淨洗入鉢即研研滿七日七夜常添水令如  
牛乳狀勿令乾燥使麤細不勻候白光可愛水闕



其四色英今不復用謹按白石英所在皆有今澤州號  
州洛州山中俱出號州者乃大徑三寸長五六寸者今  
通以澤州所出為勝採之妙

又經云紫石英味甘辛溫無毒主心腹欬逆邪氣補不  
足女子風寒在子宮絕孕十年無子療上氣心腹痛寒  
熱邪氣結氣補心氣不足定驚悸安魂魄填下焦止消  
渴除胃中久寒散癰腫令人悅澤久服溫中輕身延年  
生太山山谷採無時長石為之使得茯苓人參芍藥共

療心中結氣得天雄菖蒲共療霍亂畏扁青附子不欲  
蛇甲黃連麥勾薑今第一用太山石色重澈下有根次  
出電零山亦好又有南城石無根又有青綿石色亦重  
黑不明澈又有林邑石腹裏心有一物如眼吳興石四  
面纔有紫色無光澤會稽諸暨石形色如石榴子先時  
並雜用今散家採擇唯太山最餘處可作丸酒耳仙經  
不正用而為俗法所重也採時依此

又鍊服石英法周司戶處溫傳授云於段侍郎處得甚

妙

白石英五大兩微搗碎以醎酢五大升於不津甕  
器中蓋頭埋屋北陰處經七十日出瀉除酢搗碎  
研以水飛如出粉法澄清瀉之更研飛之可經二  
七日以醎酢三小升還置不津甕器中蓋頭又埋  
可經二十日出以水洗去酢味盡研之極細即以  
好驢乳三大升安不津器中重湯煮令乳竭止依  
方用和後丸

又九法

生乾地黄

茯苓

華州者

人參

潞州者

蜀天門冬

去心 杓

杞

白皮取時月州土者各三兩

右五味搗篩為散入前石粉令相得勻調鍊蜜和丸如梧子初服十九加至二十九日一服以後地黄酒服之

又酒法

生地黄

切五小升

烏豆

二小升

右二味以無灰清酒漬經五宿取服

雜煮石英和金銀草藥餌及銀罐中煮水飲法三

首

千金翼煮石英服餌法

石英五大兩澤州光淨無點翳者取石英打碎如  
小豆蕎麥許大去細末更於水中濤洗令淨重練  
袋盛之以繩子繫頭取五大升清水於不津鐵鍋  
中煮之煮時石袋不用著鍋底恐沙石煎壞先以

一杖橫鐺口挂石袋著杖上去底三二分許煮取  
一升汁置碗中經宿澄取清平朝空腹頓服若以  
此汁煮稀粥服之亦佳每服後可行五百步并飲  
三兩盞清酒又更依前法煮石二十度者石即無  
力以布裏埋南牆下深三尺滿百日又堪用服之  
然終不如新者

又石英和金銀人參煮服餌法

金十大兩  
銀四大兩

白石英

五大兩

人參

二大兩

右四味取一鐵釜淨洗即下前件藥於釜中先下水  
三大升立一杖入釜中令至底水所浸著處即刻記  
之更下水二大斗七升通前總三大斗煎之如魚眼  
沸漸減至杖所刻處即停火急取濕土置釜底取其  
汁貯以不津器中其金銀石等澆出收取其人參隨  
藥汁細細喫却其汁每朝空腹服三大合夜間又服  
二大合欲作食餌亦任每服之後隨性多少酒使行

藥氣

忌如  
常法

纂靈記銀罐煮白石英服水法

白石英

五大兩通按罐底多開小孔四旁亦然欲今上上者火氣逼入罐內而石又不焦損

也

右以銀罐盛石受可一小升罐底開小孔子令遍側畔近下又兩行開孔逶遍於鐵鐺中著水五大升則內銀罐水中炭火上煎取二小升去罐澄清分再服服訖飲少酒脯行一二百步許其石三遍煎一迴打碎一片作兩片乃至麻米大即休棄之不堪服也無



所誠忌

同州孟使君餌石法一首

服石法

麤白石英一大斤敲碎顆粒如酸棗核大不用全  
取白石顆先砂盤中和麤磊磊砂使壯兒仍少著  
水和按二三千下訖即淨洗取石又於砂盤中和  
砂更按一二千下依前淨洗即安柳簸箕中蒿葉  
兼少許水熟按訖以水淨淘出曬令乾又以手細

細按之令浮碎總盡熟按使光滑即盛於夾帛練袋中若出將行若於家內安當門牀上每日平明未梳裹前取七顆含於口中以酒或水下之一顆一迴咽七迴吞直令到小腹下以兩匙飯壓著即依大家食一無所忌死生穢惡白酒牛肉但是石家所忌皆總不忌所以辛苦料理使光滑者恐有浮碎薄人腸胃作小瘡子亦無他疑即每日亦起梳裹前依前服之值冷熱都總無忌比至日午左

側即便轉出為新石推陳石下下訖還依大家食  
時即飡飯若自知病羸至夜食前又服七顆依前  
法吞一夜令在小腹下溫齊脚明日平明先便轉  
陳石總與石下訖又朝法夜法服之此石常在小  
腹內仍附倉門但小腹溫熱於四肢膀胱頭目髓  
腦膚體之內元無石氣欲發從何而作丈夫婦人  
多有積冷若下熱必須上冷若上下俱冷胃口不  
下食便成消渴致死若上下俱熱頭面生瘡唇乾

眼赤手脚枯槁皮毛浮起不久成骨蒸凡人必須  
上下焦冷熱氣息調和筋脉通達若上熱下冷必  
有痼積服石之後即下熱自然上冷骨氣堅實腰  
腎強健萬病自除若不得力十斤亦須常喫若得  
力訖一斤即止也

羊肉中蒸石英及石汁雉豬肉兼作薑豉服餌法  
三首

羊肉中蒸石英服餌法

精羊肉

斤一

白石英

兩三

右二味先取肉擘作兩段鑽作孔內石著肉中還相合即用荷葉裹又將臘紙裹又將布裹於一石米飯中蒸之候飯熟即出却石後取肉細切和蔥椒薑等絕小作餛飩子熟煮每旦空腹冷漿水中吞一百子吞訖將冷飯壓之百無所忌宜春夏服大驗其石永不發勿令餛飩破碎其石三兩迴用之乃換之

又石汁中無豬肉餌法

白石英

一大兩

右一味絹袋盛以水三斗煎取四大升去石以猪肉一斤細切椒蔥鹽豉一如食法煮之任意服隔十日一度打碎煮之一無所忌甚妙

又石英汁作薑豉服餌法

白石英

二大兩

肥猪肉

三斤

通按中破者打作兩塊也

右二味以水八升煮石英取五升量煮猪肉得爛熟為度取猪肉汁下蔥豉切肉作薑豉食之一劑可六

七日喫令盡二兩石英三度煮之第一度全用第二度中破第三度搗碎煮之每煮皆用白練袋盛之其石經三度煮即須換新者二月以前八月以後皆可

作餌也

千金翼同

猪肚中煮石英及飼牛取乳兼石英和礪石浸酒

服餌法三首

千金翼猪肚煮石法年四十以下服二大兩年四十五十乃至六十以上加二兩常用四月以後服之者緣石

性重服經兩月以後石力若發即接秋氣石力下入其藏腰腎得力終無發理

白石英

二大兩末以生絹袋重盛縫却口

人參末

生地黄

切生

薑

細切各三大兩

蔥七莖

細切

豉

一抄椒四十九顆去目合口者

羊肉

半斤

細切猪肚

一具淨料理如食法

新粳米

一合和前伴藥并石英袋內著猪肚中急縛口

勿使少洩氣及水入

右十味以水二斗煮至八升即停出藥肚著盤上使冷然後破之如熱破恐汁流出先出石袋訖取煮肚



汁將作羹服之每年三度服每服石英依舊餘藥換  
之分數一依初法每服隔一兩日不得食木耳竹笋  
又石英飼犝牛取乳服餌法

白石英

三大斤取好  
者以上亦得

右一味搗篩細研三兩日研了取一犝牛十歲以上  
養犢者唯瘦甚佳每日秤一大兩石末和剉豆與服  
經七日即得取乳每朝空腹熟服一升餘者作粥喫  
任意食之百無所忌以五月上旬起服大好如急要

亦不待時節終無發也牛糞糞地隨意種菜供服乳人喫之

又石英和磁石浸酒餌法

白石英

五大兩澤川上好者

磁石

五兩去毛石引鐵多者十兩亦得二物各搗令碎各

用兩重帛練袋盛之

右二味以好酒一斗置不津器中懸藥浸經五六日以後每日飲三兩盞常令體中微有酒氣欲加牛膝丹參杜仲生地黃吳茱萸黃芪等藥者各自量冷熱

及所患并隨所有者加之仍隨所加有忌者禁之餘  
百無所忌一年以後鬚髮變黑腰疼耳聾悉差其酒  
三五日已後即漸添一二升常令瓶滿所加草藥疑  
力盡者任換之經三四箇月疑石力稍微即更出擣  
碎還以袋盛經半年以後弃之準前更合

服石後有不可食者有通食而無益人者有益人

利石者藥菜等一十條

不可食者油脂

其性滑腸而令人不能食縱喫勿煎炙也

又蕪荑

能生瘡  
發石氣

又薺芘

云發石亦  
云損石

又芥子及芥菜

皆能發  
藥發熱

又蔓青菜

發氣  
損石

又葵菜

滑而且擁  
亦不可食

凡不可食者勿食為佳

若欲食者皆須報鍊雜以葱椒然可通食者蘇

其物潤  
腹而能

行石

氣

又冬瓜龍葵

此二味甚壓  
石亦多食

又蔓菁

作黃薺和肉作羹始可少食亦須椒蔥雜之

又葵

不可空喫腹胃燥澀可取三五葉入肉時食一頓也

張文仲論服石法要當違人常性五乖七急八不可兼備不虞藥并論二十三條

五乖

重衣更寒一乖

凡人寒衣即暖服石人宜薄衣若重衣更寒經云熱極生寒故云一乖

饑則生臭二乖

平人飲食不消作生食氣服石人忍饑失食即有生食氣與常人不同故云二

乖

極即自勞三乖

平人有所疲極即須消息恬養服石人  
久生久卧疲極唯須自勞適散石氣即

得暢故  
云三乖

溫則泄利四乖

平人因冷乃利得暖便愈服石  
人溫則泄冷即差故云四乖

飲食欲寒五乖

平人食溫暖則五內調和服石人食飲  
欲寒乃得安穩故云五乖千金翼名六

反云腫瘡水洗六反也餘  
同此但有五條名五乖

七急

當洗勿失時一急

若覺身體暖疼關節強直翕翕發熱  
憤憤心悶即須洗浴若初寒先用冷

水後用生熱湯若初熱先用暖水後用冷  
水浴訖可以二三升冷水淋頭故云一急

當食勿饑二急

須食即食不得  
忍饑故云二急

酒必淳清令溫三急

無間冬夏常須飲多少任  
性熱飲尤佳故云三急

衣溫便脫四急

食必極冷五急

卧必榻薄六急

食不厭多七急

八不可

冬寒欲火一不可

飲食欲熱二不可

常瘕自疑三不可

凡服石常須消息節度覺小不安將息須依法不得自生狐疑

畏避風濕四不可

若覺頭風熱悶憤憤心煩則宜當枕頭以水洗手而即好不比尋常風濕

依此  
尤佳

極不欲行五不可

若久坐久卧有所疲極必須行役自勞

飲食畏多六不可

居貪厚席七不可

所欲從意八不可

不用從意所達石性將息節度為妙



凡藥石發宜浴浴便得解浴訖不差者乃可餘療若浴不差即得依後服葱白麻黃等湯諸隨身備急藥目新附

紫雪

金石凌

未詳何也

甘草

姜蕤

黃芩

大黃

狗白糞

芒硝

朴硝

二加

蘆根

麥門冬

香

豉

石膏

犀角

胡豆

露蜂房

白鴨通

大麥奴

右以上諸藥皆乳石所要仲嗣今與名醫擇之常用

隨身備急

寒食諸法服之須明節度明節度則愈疾失節度則生疾愚者不可強強必失身智者詳而服之審而理之曉然若秋月而入碧潭豁然若春韶而泮水積實謂美矣凡將理解折法具在中卷參而行之

乳石陰陽體性并草藥觸動形候等論并法一十七首

延年祕錄論曰乳者陽中之陰石者陰中之陽乳石從

來陰陽精體處至陰之裏有正陽伏其中正陽之中復  
在至陰之裏故陽生十一月甲子後服乳陰生五月甲  
子後服石陰陽發明互相為用而服之皆理於內不泄  
於外也夫人膚虛皆帶風氣處人全軀常經含象理之  
有法則禍害不生乖於時候則危瘵立至竊覽古法皆  
云四月服石此謂浮學不曉由來按開承開服石僉曰  
四月雖開而未平六月謂得氣之節他皆倣此常以不  
全實其府不全虛其藏即入風之道無所滯焉或有藥

觸成病飲食發瘕今并倫次詳而行之

通按雖開而未平五字疑有闕

舊論曰神農桐君深達藥性所以相反畏惡備於本草但深師祖學道洪道洪所傳何所依據云

鍾乳動術令人頭痛目疼術動鍾乳即胃塞氣短海蛤動乳即目疼氣短雖患不同其療一矣如與上患相應速服蔥白豉湯其五石大散自後人發動將療亦非古法乃云鍾乳與術更互相動本草既無成文但學者穿鑿今但依頭疼目痛胃塞氣短證候速服蔥白豉湯方

千金云鍾乳

又對枯樓

葱白

切一斤  
去青

香豉

三升  
綿裹

吳茱萸

一升甘草

三兩  
炙切

右四味以水一斗半先煮葱白澄清取八升內藥煮

取三升分三服訖令人按摩搖動口中嚼物然後仰

卧覆以暖衣汗出去衣服湯熱歇即便冷瀉飯醬脯

等物任意食之

千金用葱半斤豉二升甘草人參各  
三兩無吳茱萸

若服此不解復服

甘草

湯方

甘草

三兩  
炙

桂心

二兩

豉

二升

葱白

半斤

右四味合服如上法若服此已解肺家猶有客熱餘氣復服桂心湯方

桂心

麥門冬

去心各三兩

人參

甘草

各二兩炙

葱白

兩半

豉二升

右六味合服如前法

出千金

防風細辛動硫黃令人煩熱脚疼腰痛或噤忿無常或下痢不禁防風細辛能動硫黃而硫黃不能動彼纔覺發便服杜仲湯方

杜仲

三兩

枳實

炙

甘草

炙

梔子仁

十四枚

李核仁

去皮

各二

兩

豉

二升

右六味合服如上法若不解復服大麥奴湯方

大麥奴

四兩

甘草

炙

人參

芒硝

桂心

各二兩

麥門

冬

去心半斤

右六味合服如上法若服此已解脾腎猶有餘熱氣或冷復服人參湯方

人參

乾薑

甘草

炙

當歸

各一兩

附子

一枚

炮

右五味合服如上法

出千金

附子白石英兩更相觸若白石英先發令人煩熱腹脹  
若附子先發令人嘔逆不食或口禁不開或言語難手  
足酸疼初覺宜服生麥門冬湯方

生麥門冬

四兩  
去心

甘草

二兩  
炙

麻黃

二兩  
去節

豉

二升

右四味切先以水一斗煮麻黃掠去沫訖內諸藥煮  
取三升分三服服訖若按摩卧覆取汗候藥氣散溫  
飯醬菜脯等任食若熱未退更服大黃湯方



大黃

三兩  
別漬

甘草

二兩  
炙

梔子

二十九  
枚  
擘

豉

二升

右四味切以水九升煮甘草梔子取二升半然後下大黃煎三四沸去滓分三服得下便止不下當盡服一法若煩熱加細辛一兩若熱勢未除視瞻高而患渴復服枯樓湯方

生枯樓

大麥奴

各四兩

甘草

二兩  
炙

蔥白

半斤

豉

二升

右五味合服如上法稍稍一兩合服之隱約得一升許便可食少糜動熱若已解胃中有餘熱復服芒硝

湯方

芒硝

桂心

各二兩

通草

甘草

炙各三兩

白朮

一兩

大棗

二十枚擘

李核仁

二十一箇去皮

右七味合服如上法若腹脹去芒硝加人參二兩

出千

金

人參動紫石英令人心急而痛或驚悸不得卧或恍惚忘誤失性發狂或惛惛欲眠或憤憤喜嗔或差或劇乍寒乍熱或耳聾目暗又防風雖不動紫石而紫石猶動

防風為藥中亦有人參緣防風動人參轉相發動令人  
心痛煩熱頭項強纔覺發宜服麻黃湯方

千金服後  
人參湯

麻黃

一兩  
去節

人參

一兩

甘草

二兩  
炙

葱白

切一  
升

豉

一升

大麥

奴

一把

右六味切以酒五升湯三升煮取三升分三服良

又解服人參湯法

人參

三兩  
細辛

一兩  
炙

白朮

二兩

桂心

二兩  
豉

三升

右五味以水一斗煮取三升去滓分三服若瞋盛加

大黃黃芩梔子各三兩

出千金有甘草二兩

若忘誤狂發猶未除服麥門冬湯方

在後舉石發下

若心有餘熱氣更服人參湯方

人參 防風 甘草

炙各三兩

桂心

二兩

生薑

切

白朮

各一兩

兩

右六味合服如上法

出千金

桔梗動赤石脂令人心痛寒噤手脚逆冷心中煩悶赤石脂動桔梗令人頭痛目赤身體壯熱始覺發宜溫清

酒飲之隨能解酒勢行則解亦可服大麥麴方

大麥熬令汗出燥止勿令大焦春去皮細搗篩以

冷水和服之入蜜亦佳

千金翼云炒去皮蒸令熟暴乾香搗篩

礬石無所偏對發則令人心急口噤骨節疼強或節節生瘡將食太過發則多壯熱以冷水洗浴然後用生熟湯五六石灌之食少煖食飲少熱酒行步自勞即服麥門冬湯方

麥門冬

半斤  
去心

豉

二升  
葱白

半斤  
切

右三味以水七升煮取三升分三服覆暖衣汗出即  
差一法加甘草三兩人參一兩半千金又有桂心二  
兩云始覺發即服葱白豉湯用葱白半斤豉二升甘  
草二兩炙三味以水六升煮取二升半分三服若散  
發身體卒生瘡即服麥門冬湯

銓擇薛侍郎等服石後將息補餌法一十五條

薛侍郎曰服石之後一二百日内須喫精細飲食羹粥  
酒等使血脉通利羹法

取麋鹿兔雉鵝鴨肉等以水淨洗切如指大於鍋  
中炒令欲熟即多下葱白少下椒鹽熬令香即下  
少水煮次下粳米糝次下豉清醬汁調鹹酸適口  
每欲食先須飲十數口羹汁令胃口開通皮膚津  
潤然後進諸食縱噉炙肉亦無所慮作此將養食  
多且健縱噉餽亦須多噉臠汁

又若覺體氣沉滯石勢不行慎勿喫麵若覺虛噉任餌  
薯蕷餽方

取大薯蕷刮去皮薄切日暴乾承潤按作粉不粉者更暴依前按粉訖下篩以煖湯及鹽如麵細切作餽飩肉造臠如前羹法用澆餽飩任食此肉補益強筋骨止渴

又若覺渴及熱盛慎勿食炙肉羊麋尤惡自外肉性平冷者通食仍勿熱進恐成消渴

又若欲知體實而壅者先看脚拇指甲肉滿及肉色赤是實也實即畏熱發當須服藥微瀉



又若覺四肢筋強背脊重或頭痛如刺眼睛欲脫者宜  
以香湯浴須虛靜大屋內適寒溫先以湯淋大椎及顙  
上三五十梳然後乃浴勿令見風浴訖覆被安卧擬取  
汗仍須喫葱根葛豉粥法

葱根

三大握

乾葛

六兩切

豉

三合

葱白

一大握劈

生薑

少許切

椒

十五顆

右六味先以水五大升煮葱根減半去滓下葛及豉  
煮取二大升去滓細研少米作稀粥并著葱白等煮

熟承熱啜服之訖依前覆被取汗訖令婦人以粉遍身揩摩使孔合半日許始可出外其病立差如不損可重為之

又若覺大熱者可服紫雪或金石凌或絳雪或白雪等但溫半大升水取次研一大兩香湯浴後頓服之候一兩行利熱乃退矣凡此救急紫雪為上如不得通洩宜服黃芩飲子法

黃芩

二大兩

梔子仁

二七枚

乾葛

二大兩

芒硝

半大兩

右四味切以水三大升煮取軟一大升絞去滓下芒硝調之分溫兩服快利即差止

又若發熱但依法次第將息及服藥後得微汗微利為佳不要多利利多即反損石勢又加虛人

又若覺體氣惛惛不痛不痒小便赤澀即擣茅根汁服之又若口乾即擣蔗汁服之

其甘蔗能利大小腸如先利即勿喫甘蔗在下卷口

乾法中

又若少覺不下食服生薑汁酒等法

生薑汁

一合

白蜜

一匙

清酒

倍生薑汁

右三味相和溫頓服之半日乃效甚佳

又若覺食不下兼嘔宜服麥門冬飲子法

麥門冬

一大兩  
去心

甜竹葉

一大握

生薑

半大兩切

小麥

四合  
淘去

土批

右四味以水三升煮取一升半分溫兩服

又若不下食體弱乏氣力即宜食鮮鯽鱸法

取鮮鯽魚剝去鱗破去腸血勿洗之但用新布一

二尺淨拭令血脉斷名曰上鱠餘依常鱠法美作  
蒜齏仍食瓜薑等醬尤益人下食亦療氣痢赤痢  
又若發瘡及腫有根無根但服五香連翹等湯及丸其  
法在此卷末癰疽法中

忌食猪肉蒜生菜等唯宜食兔肉仍須熟喫甚佳  
又若腫有根堅如鐵石帶紫赤色者服湯後仍以小小  
艾炷當腫上灸之日一兩炷為佳養如常法

又若觸穢必不善四體懍懍飲食無味亦可含香丸如

不瘳服一盞五香湯取微利一行佳則不煩沐浴也

飲酒發熱諸候將息補餌論并法一十條

古今錄驗論曰飲酒則石勢敷行經絡氣力强溢腎氣  
堅王即頓為陽事陽事過多便腎虛腎虛則上熱熱盛  
則心下滿口乾燥飲隨嘔吐胃府不和宜服葛根飲安  
穀神除熱嘔止渴也且石酒相得速相為用若石勢不  
行則須少飲如石氣調歇不復須飲

又若熱盛充滿經絡心腹少脹欲心下痛痛不消或時

聚如堅隨復消者宜服秦朮湯得利便差秦朮湯法

秦朮三兩細切以牛乳一大升煮取一小升去滓  
頓服之得利即差若老弱可量氣力進之其飲食  
亦宜清冷不得濁熱濁熱則使石勢壅塞不行喜  
嘔吐病堅結也亦能發黃或小便赤心堅痛者亦  
宜服秦朮湯得溏泄差熱氣散後黃色縱徹皮膚  
是差候勿怪熱散後慄慄寒顫若困顫黃復出外  
者是謂餘熱欲散也勿厚覆但使肌膚中少寒顫

即止

又若熱解寒不解者可飲三合熱酒使解

又若寒解後頭重耳鳴滿眼漠漠心下痛者可飲二合許清酒便差寒溫宜依此法

又若心下結硬腹脹大小便不利者急服前胡大黃湯下之法在下卷小便淋法中

又若欲狂癰失常者與白薇湯下之法在下卷痰癖乾嘔法中



又若酒熱歇石熱亦不復行心下熱結已消黃縱未歇亦無所苦但冷飲食勿進辛辣菜及熱補食若不欲進清冷者可和煖餌勿令大熱

又若飲熱歇後石勢虛損飲食入口自覺諸脉中瘡瘡如冷水入者是酒石俱退經絡空虛故也宜積日調冷食兼依服進猪蹄羹通養諸脉自差止

又若頭眩耳聞空中有人語心怯恐懼兼憂悸不安四肢如痺或起眠即輒驚如被虎狼所逐威勢所攝者方

服淡竹瀝一二升乃至三升差止亦可進白薇湯  
下之消息稍與令飲粥常令有食力時進鷄心酸  
棗湯常令對偶安慰之以美言相悅慎不可以惡  
事驚之

又鷄心酸棗湯療飲後陽多腎虛發熱積日不食胃中  
虛熱飲食不已氣入百脉心藏虛甚令人失常法出右  
金錄

驗

鷄心十枚 酸棗半升 人參一兩 茯神 芍藥各二兩 白薇

枳實

炙

知母

甘草

炙

桔樓

各二兩

生地黄

八兩

右十一味切以水一斗煮藥半熟內心煮取三升冷

分三服

餌寒食五石諸雜石等解散論并法四十九條

小品論曰凡服五石散及鍾乳諸石丹藥等既差節度觸動多端發狀雖殊將攝相似比來人遇其證專執而療之或取定古法則與本性有違或取決庸醫則昧於時候皆為自忤遂推石過深省其理未曰合宜每尋古

醫互相晦見直言沐浴實未探微寒溫適情蓋須自度  
隨時之義易所通焉故陶正白云昔有人服寒食散簡  
古法以冷水淋身滿二百罐登時疆斃又有取汗乃於  
狹室中四角安火湏臾則殞據茲將息豈不由人追之  
昔事守株何甚今列篇章幸擇長而錄用耳寒食藥得  
節度者一月輒解或二十日解堪溫不堪寒即已解之  
候也其失節度者或頭痛欲裂為服藥食溫作癖宜急  
下之

又若手脚卒患頑癖者為犯熱經久故也急與冷水洗飲熱清酒進冷食即止一法飲冷清酒亦止

又若體上生瘡結氣腫痛不得動者為自勞太過也宜服香豉飲法

香豉

三升葱白一虎口

右二味以水三升煮三沸服之不止乃至三四劑自止

又若腰痛欲折兩目欲脫者為熱上肝膈腰腎冷極故

也宜服黃連飲法

腰痛欲折兩目欲脫千金翼作二條

黃連 甘草

炙各二兩 萎蕤

右三味切以水三升煮取一升去滓內朴硝一兩頓

服得微利止

又若眩冒欲倒者為衣厚犯熱故也宜冷水淋頭并洗

之須臾即愈

千金翼云宜洗頭

又若脚疼欲折者為久坐溫處故也宜常須單牀行役

并以冷水洗浴即止

又若腹脹欲裂者為久坐下熱衣溫失食故也宜數冷食冷洗當風取冷須臾即差

又心痛如刺者為應食不食應洗不洗寒熱相擊氣結不通填於心中故也宜數飲熱酒任性多少酒氣行經絡通達淋以冷水又冷淹手中搭著苦處溫復易之須臾解也解後仍速與冷食食多益善於諸痛之中心痛最急宜速救之法在下卷心痛法中

又若發急遍身熱如湯火或氣結不識人時倒口噤不

開不自覺知者救之要以熱飲隨其性酒之卒不得下者當打去齒灌之咽中塞盛酒入必還出但灌勿止半日許以酒下氣徹乃蘓酒卒不下者難可救矣

又若下痢如寒中者為行止食飲犯熱所致宜速脫衣冷食冷飲冷水洗即差

又若百節酸疼者為卧處太厚又蓋覆被衣溫不脫故也但單牀薄被單衣或以冷水洗勿著新衣著故垢衣雖冬寒常須散髮受風仍以冷石熨其衣勿繫帶若犯



此酸悶者急入冷水浴勿忍病而畏冷兼食冷飯

又若兢顫惡寒或發熱如溫瘧者為失食忍饑失洗不行又食臭穢故也宜急飽冷食冷水洗數行即愈

又若惡食臭如死物氣者為食溫作癖故也宜急以三黃湯下之若不下終不差法在下卷解壓法中

又若咽中痛鼻中塞清涕出者為衣溫近火故也但速脫衣取冷當風以冷石熨咽鼻當自差不假洗也

又若胃脇滿氣上嘔逆者為饑而不食藥氣上衝故也

速與冷水洗食冷飯止

又若食便吐出不得安住者由癖故也宜急以甘草飲下之不下當危人命爾甘草飲法

甘草

二兩

大黃

二兩

黃芩

二兩

炙

別漬

右三味切以水三升煮三兩沸去滓分服以利為度又若大便難腹中堅如盤蛇者為犯溫積久腹中有乾糞不去故也宜銷酥蜜膏服一二升津潤腹內即下若不可服大黃朴硝等下之

又若患淋者為久坐溫處或乘鞍馬坐處大熱熱入膀胱故也但冷食冷水洗冷石熨腹不過一日即差止

千金

翼云若不止可下之不下殺人

又若寒慄頭掉不自支持者為食少藥氣溢於肌膚五藏失守百脉搖動與正氣相競故也宜強飲熱酒以和其脉強食冷食以定其藏强行以調其關節強洗以宣其擁滯即差

又若小便稠數者為熱食及噉諸熱餅肉之屬故也宜

冷水洗腹兼服梔子湯法

梔子仁

二兩

甘草

炙

芒硝

湯成下

黃芩

各二兩

右四味切以水五升煮取二升分溫二服取利即差  
又若失氣不可禁止者為犯溫不時洗故也但冷水洗  
之即差

又若遺糞不自覺者為熱氣入胃大腸不禁故也當冷  
洗即差

又若目痛如刺者為熱氣衝肝上眼故也但數冷食清

朝溫小便洗之不過三日即差止

又若耳鳴如風聲又有汁出者為自勞過度陽事不節氣上耳故也宜數飲食補之節禁陽事即差

又若口中傷爛舌強而燥不得食味者為食少穀氣不足藥氣積在胃管故也宜急作豉湯服之豉湯法

香豉

二升

姜蕤

甘草

炙各二兩

麥門冬

去心

小藥

各三兩

右五味切以水六升煮取二升分溫三服能頓服益

佳再合為度

又若關節強直不可屈伸為久停息不自勞洩藥氣不散漸侵筋血故也出力使溫冷洗即差止

又若得傷寒溫瘧者為犯熱故也宜以常療藥救之無咎但勿服熱藥耳其傷寒瘧藥等皆除熱破癖不與寒食相妨故通服也凡服寒食雖已熱解而更病者要先以寒食救之終不中冷其法在下卷解壓法中

又若飲酒不解食不得下乍寒乍熱不洗便熱洗之復寒甚者數十日輕者數日晝夜不得寢寐愁悲恚怒自

驚跳悸恍惚忘誤者為犯溫積久寢處失節食熱作癖  
內熱與藥併行寒熱交爭雖以法救之終不可解也昔  
皇甫氏曾餌此散每發即欲自刑尊親制之乃免斯禍  
強令飲食其熱漸除縱家有寒熱藥發急皆忘雖素聰  
明發皆頑冥告令難喻為茲覽者不可勝數遂簡家兄  
士元救急之法合三黃湯服之大下便差止而錄之法  
在下卷解壓法中

又若脫衣便寒著衣便熱為脫著之間失適故也小寒

自可著小溫便可脫即止洗之則爽然差慎勿忍之使病成也小品云洗則了然差矣應洗勿忍之忍則病成也

又若齒斷腫唇爛牙齒搖痛頰車噤為坐犯熱故也宜時救之可當風張口使冷氣入咽漱寒水即差

又若脉洪實或斷絕不足似死脉或細數弦駛其所犯非一此脉無醫不識也熱多則弦駛有癖則洪實急痛則斷絕凡寒食藥熱率常如此自無所苦非死唯勤節



度為妙

又若大便稠數為坐久失節度將死之候也如此難療矣可與前大黃黃芩梔子芒硝湯下之儻十有一生耳可為必死之療不可不利致死令人恨也

又若人已困而脉不絕為藥氣盛行於百脉人之真氣已盡藥氣尚自行故不絕非生氣也死後體因溫如生人肌腹中雷鳴顏色不變一兩宿乃作死人也

又若周體患腫不能迴轉者為久坐不行又不飲酒藥

氣滯在皮膚之內血脉不通故也宜飲酒水水洗自勞  
即差若不能行者遣人扶持強行使肢節調暢乃止亦  
不得令過度使反發熱或反熱者還當洗之

又若食患冷不可下者為久冷食口中不知味故也當  
作白酒糜多著蘓熱食一兩頓若小悶者還令冷飲食  
即差止

又若下部臭爛者為坐薦席厚熱故也當坐冷水中即  
差

又若夜眠不得睡者為食少熱在內故也服梔子湯方

梔子仁

十四枚

大黃

三兩 黃芩

二兩

右三味切以水五升煮取三升去滓分三服微利又當數進飡食自得眠睡

又若嘔逆咽喉中傷清血出者為卧溫及食熱故也但飲冷水冷石熨咽喉即差

又若藥發輒安卧不與人語者為熱盛食少失其性故也但與熱酒冷洗冷食自勞便差

千金翼云藥發輒尸卧不識人由熱氣盛

食少不充邪  
忤正性故也

又若四肢面目浮腫者為飲食溫久不自勞力藥與正

氣相隔故也但飲熱酒冷食自勞洗浴即差

千金翼云  
藥氣與正

併  
氣相

又若鼻中有氣如蝦鷄子臭者為著衣溫故也或陰囊  
臭爛為坐熱故也入冷水中即差宜脫衣洗浴即自差  
又若卒目暗無所見者為飲食居處太溫故也但脫衣  
冷洗冷食須臾差止

又若身肉痛痛無常處如遊風者為犯熱所作非風冷也宜冷洗以冷石熨之自差

又若服藥心悶亂者為服溫藥與疾爭力故也法當大吐如或不吐病當至死若吐不絕可食冷食飲自然差也若絕不識人口復不開者亦當斲齒以熱酒灌之入咽吐出者更與之但得酒氣下通不半日即便蘇矣

又若嗜寐不覺者為久坐熱悶故也宜冷洗冷食即差又若肌膚堅如石不可屈伸為熱食溫卧作癖五藏隔

閉血脉不通故也急服前三黃湯下之食冷食飲熱酒  
自勞即差

又若臂脚偏急痛苦者為久坐卧溫熱不自移轉氣入  
肺脾胃故也宜勤以二布巾淹冷水搭之覺溫則易如

此不過三日即差

千金翼云熱入  
腹附骨故也

又若患腹背熱如子如杯如盤許大者以冷石隨處熨  
之

又若脚指間生瘡者為履襪大溫故也當以脚踐冷地

以冷水洗足差

又若口熱痛煩悶者方

生鷄子

五枚

右一味頓服之即便愈

癰疽發背證候等論并法五十四首

夫二儀含象三才貫形五體以類於五行六府乃同於六呂人之肉也則脾之所主人之皮膚則肺之所管膚肉受病皆繇滋味而與衣服衣服厚暖則表之呼寒滋

味失度則府藏皆熱府藏既擁則血脉不流血脉不流則毒氣偏注湊於俞穴俞穴之所陰陽會津永虛伏守必煮其血血敗即潰肉肉腐而成膿實則為癰浮則為腫也若兼腎肝虛熱遂成疽成癰矣且疽則附骨癰則著筋凡曰癰疽脉皆有狀有浮有滑有數有澀有弱有沈浮為陽虛滑為陽實數為陽燥澀為陰寒弱為陰虛沈為陰堅三陽三陰之脉也若三部之中脉有一陰一陽復結為失常經者癰疽之候也且脉法心洪肺浮肝



弦腎沈若肺肝心俱至即發癰疽何以言之為一陰一陽水火競焉舊論寒熱客於經絡血澀不通其理乖也論熱盡發於內而形於外未有外熱能入於內而成其腫皆繇表虛客寒所搏故衣厚暖呼其寒是其義也凡癰發生皆繇自召一呼吸失度二喜怒不調三飲食愆時四陰陽乖候犯此四者則六府不和榮衛不利榮者血也衛者氣也血傷寒則澀氣傷熱則益氣則為火血則為水水火相搏遂形癰疽故加虛則氣撮心愒四肢

顫掉若有失而悸此為膿不出盡之候久即成漏縱差  
終發宜服排膿補養藥即無咎也癰疽之名大體相似  
發有深淺療有虛盈然攝之於藥物殊途而同歸也

凡人強壯之年少陽氣省皮膚疏薄滋味愜情腸胃壅  
塞因壅發熱即受其寒寒氣總至受有深淺隨處為證  
淺即內陽尚壯中即少虛深即虛竭病在陽即易去在  
陰即難除其有決生死之神功辨形色之宗旨明劉涓  
之術錄爾凡癰疽膿出後不可療者有五一眼白睛青

黑而小二咽藥而嘔三傷痛渴甚四膊項中不仁五音嘶色奪此為極也

又凡食諸生果皆召其病養生法云勿食不成核之果勿食和汚粒之食皆為瘡癰略為網舉以曉將來耳

千金論曰凡發背皆繇服五石寒食更生散所致亦有單服鍾乳而發者又有生平不服石而自發背者此是上代有服之者其候率多於背兩胛間起初如粟米大或痛或痒仍作赤色人皆初不以為事日漸長大不過

十日遂至不救及其臨困時瘡方圓徑三四寸高一寸  
兼有數十孔以手按之諸孔之中膿皆反出尋即失音  
不言所以養生者小覺背上痛痒有異即取淨土水和  
作泥捻作餅子徑一寸厚二分貼著瘡上以麝艾大作  
炷灸之一炷一易餅子腫若粟米大時可灸七餅即差  
若如榆莢大灸七七炷即差若至錢許大日夜灸不住  
乃差并服五香連翹湯及鐵漿諸藥攻之乃愈  
又五香連翹湯方

青木香 沉香 獨活 連翹 升麻 麝香

半  
兩 薰陸香 攻頭痛不 射干 二兩一  
著亦得 法一兩 大黃 三兩  
別漬 淡竹

瀝 二升 雞舌香 各二兩 桑寄生 二兩 通草 二兩

右十三味切以水九升煮藥待水減半後內竹瀝更

煮取二升分溫三服甚佳 千金本方有丁香

又五香丸療心腹鼓脹冷瀉鬼氣症忤方 亦名沉香丸

沉水香 青木香 丁香 硃砂 別研各 麝香 別研

犀角 錯取 薰陸香 梔子仁 連翹 石膏 別研

兩芒硝熬

蜀升麻

大青

乾藍

枯樓

乾葛

茵陳

黃芩

肉桂

芎藭

茯苓

各三兩

巴豆

三兩去心皮熬令  
變色別研如脂

大黃

二兩

右二十三味搗篩密和更搗一千杵封以油臘紙無  
在有患時溫熱症病鬼瘧病心腹鼓脹疸黃垂欲死  
者可服四五九九如梧子大或至六七九但取三兩  
行快利為度利止即差

又療發背腸癰乳癰一切毒腫服之膿化為水神驗方

犀角

肩十分二

大黃

五分

蜀升麻

梔子仁

黃芩

防

風

蜀當歸

甘草

炙

乾藍

人參

黃連

黃

芪

各四兩

巴豆

二十顆去心皮熬別搗

右十三味搗篩蜜和為丸初服十九取快利三兩行

如不快利更服三兩九以快利為度若利多以冷酢

飯止之已後服每減九常取溏利腫消乃止

一方有蓼實

又療一切腫初覺痛不可忍神效方

取麴溲如十指許麤繞腫令匝滿中布生椒又以

一片麪可椒上蓋之當中以艾炷如酸棗大灸之  
蓋麪欲焦即換著新麪痛停止

又療風毒及一切腫塗散方天后賜會稽王岑十六遂  
於嶺南見郭訥駙馬患腫發背會稽與盧黃門等親與  
藥須臾平復岑侯因得此法

大黃

五兩

白欬

三大兩

寒水石

紫葛

青木香

各一大兩

硝石

黃芩

各二大兩

大青

三兩 苦參

一兩

右九味搗散和牛乳塗故布上搗腫上隨著即消乾



復易之若腫在骨節即搨近骨節好肉處移取腫搨即消

又方汝陰靈明府說傳云甚驗

水銀

二斤

右一味以紙分為兩裏密繫頭更以帛重裹勿令走失遽互將搨上覺溫即易不過十數度熱毒盡歇即消矣神効

又發背神驗方

狗白糞

兩半

右一味覺欲作腫者以煖水一升絞取汁分再服以  
滓敷上每日再為之差止

又方

凡腫起於背胛中頭白如棗栗四相連腫赤黑令  
人悶亂者名發背也宜禁陽事酒蒜麪若不灸療  
即入內殺人可當瘡灸七八百壯有人不識多作  
雜腫療皆乃死

又方

取三年酢滓微火煎和牛脂封上日一易之

又方

取亂髮灰酒服一方寸匕亦治療疽

又方

狗牙灰酢和封之差

又方

飲鐵漿三升下利即差

又方

猪羊脂封之亦療乳癰妙

又方

鹿角灰酢和塗之佳

又療石氣在皮膚腫熱膏方

生麥門冬去心 萎蕤 鼠李皮 石膏碎 凝水石

沙參各一兩 青箱子 露蜂房各一分 竹瀝一大合 杏仁

油一大合 牛酥五大兩 生地黃汁三合

右十二味切內酥油漚中微火上煎令魚眼沸一炊  
久膏成覺有熱處即摩之差止

又療發背及癰疽潰漏并未潰腫毒方

枯樓 榆皮 胡鷺窠 鼠屎土 女人潮信帛

水洗  
取汁

右五味等分潮信汁和如泥塗腫上乾即易之潰者  
四面封亦覺即封之三五日差

又排膿內塞散主大瘡熱已退膿血不止瘡中肉虛疼

痛方

防風 茯苓 白芷 桔梗 遠志 甘草炙 人

參 芍藥 當歸 黃芪各一兩 附子二枚炮 桂心二分

厚朴炙二兩 赤小豆五合熬

右十四味搗散酒服一方寸匕日三服夜一服

又排膿止痛利小便散方

瞿麥二兩 芍藥三兩 赤小豆微熬 桂心 芍藥 麥門冬

去心 白欽各二分 黃芪 當歸各二兩

右九味擣篩先食溫酒服一方寸匕日三

又療癰腫令自潰長肉薏苡仁散方

薏苡仁 桂心 自欬 當歸 肉蓯蓉 乾薑

各二兩

右六味擣篩為散先食溫酒服一方寸匕日三夜再之

又療諸虛不足發背及癰疽差後經年復發背由風聚結毒氣在內閉塞得夏月出攻背不治積聚作膿血

或為內漏內塞排膿散方

山茱萸 五味子 茯苓 乾薑 各六分 當歸 石

韋 去毛 芎藭 各四分 附子 二分 肉蓯蓉 巴戟天 去心 遠

志 去心 麥門冬 去心 乾地黄 各八分 菟絲子 酒漬 地麥 各三分

洗者 石斛 人參 甘草 炙 芍藥 桂心 各五分

右二十味搗散服一方寸匕日三夜一稍加至二匕

長服終身不發癰瘡

又療癰疽發背婦人發乳諸瘡已潰未潰者便消不消



者速潰疾愈內補散方

木占斯 敗醬 細辛 乾薑 厚朴炙 桔梗

甘草炙各一兩 人參六分一兩 桔樓子六分 防風六分

右十味檮篩為散酒服方寸匕日三夜二間食長服

去敗醬

又療癰疽發背猪蹄湯方

猪蹄具一 黃芪 黃連 芍藥 黃芩各二兩 薔薇根

狼牙各八兩切

右七味切以水三斗煮猪蹄令熟澄取三升漬諸藥  
煮取一升洗瘡一食頃著帛拭乾著生肌膏日二生  
痂止瘡痛者加當歸甘草各二兩

又蝕惡肉散方

馬齒礬石

燒研

藺茹

麝香

研

丹砂

研

雄黃

研

雌黃

研

白礬

各三分燒  
汁盡研

硫黃

三分  
研

右八味細作散傅之先蝕惡肉令盡即封生肌膏

又癰疽蝕惡肉膏方

大黃

附子

去皮

莽草

芎藭

雄黃

研

雌黃

研

真

珠

研各一兩

白欬

礬石

燒研

黃芩

藺茹

各二兩

右十一味先以猪膏一升半煎六種草去滓內藺茹

礬石末絞之塗瘡中惡肉盡即止

又散方

藺茹

榛頭者

礬石

燒研

雄黃

研

硫黃

研各二分

右四味為散內瘡孔中惡肉盡止勿使過好肉也

又療癰疽發十指或起膀胱及發背去惡肉方

猪蹄

一具治如食法

當歸

大黃

芍藥

芍藥

黃芩

獨活

莽草

各一兩

右八味以水三斗煮猪蹄取八升汁內藥煮取四升

去滓洗瘡兩食頃拭令燥以後麝香膏封之

又麝香膏主諸惡瘡及癰疽發背去惡肉方

麝香 礬石

燒

雄黃

真珠

各一兩  
研作末

右四味以猪脂攪令如泥塗惡肉盡即止更敷生肌

膏

又生肌膏主癰疽發背已潰方

甘草

當歸

白芷

椒

去目

乾地黄

細辛

續

斷

各三兩一法無續斷

烏喙

六枚去皮

肉蓯蓉

三兩

薤白

二十莖

蛇銜

兩一

右十一味切以好酢半升和漬一宿取猪膏三斤微火煎之令魚眼沸三上三下候白芷黃膏成用塗之佳

又療胃背遊腫癰黃芪湯方

黃芪 人參 麥門冬去心 石膏碎 芎藭 當歸各二

兩 生地黃八兩 甘草炙 芍藥各三兩 生薑五兩切 大棗十三

枚 半夏四兩洗 竹葉一握

右十三味切以水一斗煮竹葉取九升去滓內藥煮取三升分四服日三夜一

又療服石之人患瘡腫等單服牛蒡方

每吞三撮

又方

每食訖含生乾地黃丸如胡桃大除熱補益也

又療年四十以上強壯常熱發癰無定處大小便不通  
大黃湯方

大黃 黃芩

各三兩

升麻 梔子

各五枚

芒硝

一兩湯成下

右五味切以水五升煮取二升四合去滓下芒硝攪  
令調分三服得利為度不過三劑即差

又療散發生瘡腫赤炆方

取赤石白一片燒令赤置酢中擣作末敷之如燥

更易以差為度又取糞中蟻螬蟲擣如泥塗腫上  
不過三度即合口甚妙

又主腹內癰方

大黃

四兩

牡丹

三兩

芥子

半升

硝石

三合

桃仁

五十枚

去

尖皮

碎切

右五味切以水六升煮取一升五合分再服膿即下  
無膿者下血

又若大熱背腫身多生瘡下諸石方

露蜂房

六兩

木緋帛

一尺

亂髮

二兩

升麻

三兩



右四味先用緋帛裹蜂房等以麻纏使遍於炭火上  
燒令烟盡及熱擣碎作黑灰篩之取末候熱時空腹  
酒和服一方寸匕日再服此藥五六日即常以小便  
及大便下青黃赤汁及黑物極滑而腥臭者此石下  
候三五度下即休若多恐令瘦損若不大急困但煮  
五加木汁服亦療丁腫

又療背上初欲作腫方

大黃 升麻 甘草

炙黃芩

各三兩

梔子仁

百枚

右五味切以水九升煮取二升半分服快利便止不下便進

又凡發背為癰疽已潰未潰方

香豉

三升

右一味少著水和熟擣如強泥作餅子厚三分依腫大小貼之以艾布其上灸其豉餅使溫溫熱而已勿令破肉也若熱痛急易之或一日二日灸之若先有瘡孔勿令豉餅蓋却但四面著灸孔中汁出即差止

又療惡毒腫著陰卵或偏著一邊疼急攣痛牽入小腸  
痛不可忍一宿殺人方

茴香草

右一味搗取汁飲一升日三四服又取滓敷腫此外  
國神法從元嘉末來用之神効起死人

又生魚薄主乳癰方

生鯉魚

長七寸

大黃

莽草

竈中黃土

各六兩

右四味別搗魚如膏三味下篩更搗令調以生地黃

汁和敷腫上日五六夜二三即愈

又療動散背腫已自利虛熱不除宜服竹葉黃芪湯方

出古今

錄驗

竹葉

切三升

黃

四兩

小麥

一升

芍藥

三兩

甘草

二兩

石膏

二兩

二兩

人參

三兩

升麻

一兩

茯苓

二兩

桂心

六分

當

一兩

當

歸

三兩

乾棗

十四枚

五味子

三兩

生薑

三兩

乾地黄

一兩

麥門

一兩

麥門

冬

三兩

知母

一兩

去心

右十七味切以水一斗二升煮竹葉小麥取九升去

滓內藥煮取三升溫分四服

又商陸貼諸腫方

商陸

二兩

黃芩

黃連

白芷

白欬

大黃

莽

草

各二兩

白芨

二兩

右八味擣篩消膠汁和如泥塗紙貼腫乾即易之

又有患癰破下膿訖著芫藥塞瘡孔乃瘡痛煩悶困極  
有人為去芫藥以楸葉十重以布帛裹緩急得所日再  
三易之痛悶即止此法大良無比勝於衆法貼此主癰

疽潰後及凍瘡有刺不出甚良冬無楸葉當早收之臨時以鹽湯沃令潤用之亦佳薄削楸白皮用之亦得

又梔子湯主表裏俱熱三焦壅實身體生瘡或發癰瘡大小便不利方

芒硝

湯成下

甘草

炙各二兩

黃芩

知母

各三兩

大黃

四兩別漬

梔子仁

七枚

右六味切以水五升煮四味減半下大黃煮取一升八合去滓內芒硝分三服

又療癰疽發背後小瘰癧李根散方

李根

切一升

甘草

炙

桔梗

黃芩

各二兩

葛根

當歸

各三兩

桂心

芍藥

各四兩

芎藭

六分

通草

白欬

厚

朴

炙

附子

炮各一兩

桔樓子

一升

半夏

一升洗

右十五味搗篩為散酒服一方寸匕日三瘡大困者  
夜再有人發背骨出十餘節服此即差

又主癰瘡發背方

蜀椒

汗

黃芩

人參

各二兩

乾薑

附子

炮

白欬

防風

桂心

甘草

炙各一兩

芎藭

二兩

赤小豆

一合半

右十一味為散酒服一方寸匕日三夜再服之

又內補散療癰疽發背已潰未潰排膿生肉方

當歸

人參

各二兩

桂心

芎藭

厚朴

炙

防風

白芷

桔梗

甘草

炙各一兩

右九味為散以酒服一方寸匕日三夜再瘡未合服

勿停

又瞿麥散主諸癰未潰瘡中疼痛膿血不絕法



瞿麥 白芷 黃芪 當歸 細辛 芍藥 芎

藳 薏苡仁

赤小豆

末各一兩

右九味先以清酒一升漬小豆出銅器中熬之乾復  
漬漬復熬五遍止然後擣諸藥下篩酒服一方寸匕  
日三夜二服三五日後痛者痒肌肉生一法以春酒  
漬小豆多痛倍瞿麥痛未開倍白芷多膿倍黃芪薏  
苡仁芍藥甚妙

又黃芪散主癰疽撮膿方

黃芪

五公分多  
膿倍

赤小豆

一分熟  
口乾倍

芎藭

二分肉  
不生倍

芍藥

三分

痛不止  
倍

白欬

三分  
公枯樓

三分小  
多倍之便

右六味搗散酒服方寸匕日三服之


一方有甘  
草三分

又療發背及癰腫熱焮已熟者即膿出未熟者自然消  
除神驗方

牛蒡根

嫩者洗去土勿令  
見風細切一大升

右一味以水三大升煮令爛絞去滓更盛於甕器中  
重湯煎之使如稀糊以塗爛帛貼腫上熱則易之驗



外臺秘要方卷三十七